

Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Complectens ea quæ ad Sacmenta & mores pertinent

Abelly, Louis

Coloniæ Agrippinæ, 1659

Quæstincula. I Quisnam restituere teneatur.

urn:nbn:de:hbz:466:1-38979

potest, eidem restituitur, vel damnum injuste illatum compensatur. Hanc autem ad salutem esse necessariam conflat ex sancto Doctore q. 62 a. 2. & comuni Theologorum omnium consensu, quibus suffragatur sanctus Aug. Epist. 54. ad Macedonium, ubi sic loquitur: *Si res aliena, propter quam peccatum est, reddi possit, & non reddatur; penitentia non agitur, sed simulatur; si autem veraciter agitur; non remittitur peccatum, nisi restituatur ablatum, si (ut dictum est) restituui possit.*

Est autem restitutio ita necessaria, ut non modo non possit absolvvi, qui alienum injuste retinet, nec illud vult restituere; sed etiam (ut recte docet, & probat Less. cap. 12. dub. 3.) continuè actu peccet toto eo tempore, quo non quidem addendo novum peccatum, sed idem iniustitiae peccatum continuando, quod ea ratione singulis momentis crescit; tum ratione diuturnioris durationis, tum etiam ratione maioris nocumenti, quod per illam iniustiam rei alienæ detentionem diutiùs continuatam eins domino infert: unde confessarius non modo non debet absolvire illum, qui restituere non vult, cum tenetur & potest; sed etiam illum, qui restituere neglexit, quando commodè potuit; nisi prius actu restituat, aut ita feriò id promittat, ut Confessarius verbis illius fidem meritò adhibere possit; alias cum in statu peccati remaneat, incapax est absolutionis.

Ex variis autem & multis quæ circa restitutionis materiam disputari à Theologis solent, nos præcipua, & scitu maxime necessaria feligemus, maiorisque facilitatis gratia propositis aliquot quaestiunculis explicabimus.

QVÆSTIVNCVLA I.

Quisnam restituere teneatur.

Ab restitutionem faciendam obligatur primò is, qui iniuste rem alienam accepit, vel qui iniuste alteri damnum intulit, idq; non modo cum per se, sed etiam cum per alios sive directe sive indirectè id præstít: quod s. Thomas

Thom. q. 62. a. 6. & 7. docet posse fieri novem modis supl. parag. xj. citatis.

Circa quos recte observat Valentia disp. 5. q. 6 de restitu. pu. i. duo requiri ad restitutionis obligationem inducen- dam. Primo, ut effectu ipso res aliena fuerit iniuste ablata, aut damnum iniuste illatum. Secundo, ut quis causam iniustae illius ablationis aut damnificationis vere dederit, si- ve directe iussione, consilio, consensu, adulacione, recusu, participatione alium ad id ita inducendo, ut recipia propter huiusmodi iussionem, consilium, &c., res aliena fuerit iniuste ablata, aut damnum illatum; siue indirecte, non de- nuncando, seu manifestando, aut non obstanto, ac impe- diendo, quando scilicet ad id ex officio, & iustitia teneba- tur, ut docet S. Th. sup. art. 7. ad 3.

Quod si plures simul concurrant ad unam & eamdem iniustum actionem, ut ad spoliandam vel incendendam domum, tunc quilibet illorum tenetur in solidum ad rotius damni compensationem, quia (ut ex Caiet & aliis adnotat Val. Sup.) quilibet tunc est causa rotius damni, quod vis non solus: qui enim una cum alio aliquid efficit, vere illud efficere censetur. Quod si unus illorum damnum illatum resarciret, non amplius obligarentur alii ad restitu- tionem erga illum, qui damnum passus est; sed unusquisque teneretur refundere pro rata sua parte ei, qui totum damnum compensavit, ut docet S. Th. Sup. ad 2.

Obligatur 2. ad restitutionem is, qui rem iniuste accep- tam apud se habet, siue bona fide, siue mala illam habeat: e.g. si quis equum furto ablatura emat a fure, sciens eiusmodi equum esse furtivum, dicitur mala fide possidere, si autem nesciat esse furtivum, nec eius venditorem esse fu- rem, tunc bona fide possidere dicitur; & utrovis modo pos- sideat, tenetur semper illum vero domino restituere, cum hac tamen differentia: quod malæ fidei possessor, quomo- docunque pereat res illa quam mala fide possidet, tene- tur non solum eam vero domino restituere, sed etiam o- mne damnum, quod ex mora restitutionis sequitur, com- pensare: at vero possessor bona fidei tenetur tantum ad restitu-

restitucionem rei, si adhuc illam habeat, quando alterius esse deprehendit; non vero si stante bona fide res illa petit, aut in eius potestate esse desit; & ad ea solummodo restituenda, in quibus factus est ditor; id est ad ea qua habet ultra id, quod habiturus fuisset, si rem illam non habuisset.

Quod si, postquam deprehendit rem, quam bona fide possider, esse alienam, illam vero domino restituere neglegat; tunc si res pereat, tenetur ad restitucionem, sicut de mala fidei possessore dictum est: eo quod amplius eam bona fide non possideat. Ita Tol. Lib. 5. c. 17.

Præterea qui bona fide rem alienam possidet, potest illam præscribere aut usucapere, id est, si toto tempore ad prescriptionem à iure præfinito bona fide illam possidat, amplius illam restituere non tenetur; at verò mala fidei possessor nullo tempore præscribere potest, ut docet idem Tol. & ex antedictis constat.

Obligatur denique ad restitucionem is, qui rem alienam apud se iusto quidem titulo habet, sed quam iuste contra domini voluntatem diviri tenere non potest: & hac ratione quicunque habet apud se rem commodatam, locatam, vel depositam, elapsò tempore præfixo illam invito domino retinere non potest, sed illi tenetur restituere, ut ex communi Theologorum sententia docet Tol. Sup. similiter qui mutuum accepit, termino constituto illud solvere tenetur; alias invito domino rem illius detinere, si restituere possit, est illicitum: unde qui sine illa ratione diuturnas trahunt moras in soluendis debitis, aut in reddendis rebus alienis quas apud se habent, haud dubie contra iustitiam peccant; præsertim, si illi, ad quos pertinent, dilationem solutionis aut restitutionis inviti ferant, aut ex illa damnnum patiantur.

QVÆSTIVNCVLA II.

Cui sit restituendum.

SANCTVS Doctor Sup. a. 5. dicit restitucionem illi ipsi faciendam esse, à quo res accepta est, vel cui damnum illa-